



Curs de laurea magistrala a nivel unich de Scienze dla Formazion primara

2024/25

Preiscrizion y Amiscion

Chiló giateste dutes les informazions sun la preiscrizion y sun l'amiscion al curs de stude.

Termins y dates importantes

I seccion

Preiscrizion: 01/03 - 07/05/2024 (anter les 12:00)

Ejams de lingaz (online): 18/03/2024 (iscrizion: 01-10/03/2024) y 17-18-19 y 22-23/04/2024 (iscrizion: 25/03 - 09/04/2024)

Ejam de ladin B2 (tl campus Persenon): 11/04/2024, 16.00 (iscrizion anter 04/04/2024)

Ejam de amiscion: 22/05/2024

Publicazion dles graduatores: anter 28/05/2024

Da paié la pruma rata dles coutes universitaires: anter 06/06/2024 (anter les 12:00)

Imatricolazion: 12/07 - 06/08/2024 (anter les 12:00)

II seccion (demé per zitadinis UE)

Preiscrizion: 29/05 - 10/07/2024 (anter les 12:00)

Ejams de lingaz (online): 24-29/06/2024 (iscrizion: 29/05 - 16/06/2024)

Ejam de ladin B2 (tl campus Persenon): 13/06/2024, 16.00 (iscrizion anter 06/06/2024)

Ejam de amiscion: 17/07/2024

Publicazion dles graduatores: anter 30/07/2024

Da paié la pruma rata dles coutes universitaires: anter 06/08/2024 (anter les 12:00)

Imatricolazion: anter 06/08/2024 (anter les 12:00)

Sescion injuntada (demé per zitadinis UE)

La Facolté pó ativé atres sescions de agost y setèmber por spezifics curs de stude, sc'al é posé a desposizion. Deplù informazions sön sescions injuntades a tèmp debit.

Cursc de preparazion y dis de informazion per chi che met man da studié

Cursc de lingaz intensifs: 02-20/09/2024 (da lunesc a vendres, 6 ores al di)

Dis dles Matricoles: 01-02/10/2024

I semester

Lezioni: 30/09 - 23/12/2024

Vacanzas: 24/12/2024 - 06/01/2025

Leziuns: 07/01 - 25/01/2025

Ejams: 27/01 - 15/02/2025

II semester

Leziuns: 03/03 - 17/04/2025

Vacanzas: 18-21/04/2025

Leziuns: 22/04 - 14/06/2025

Ejams: 16/06 - 12/07/2025

Sescion d'auton

Ejams: 25/08 – 27/09/2025

Sezion ladina

Zitadins EU y stac parifichés - I sescion: 13, II sescion: 5

Sezion taliana

Zitadins EU y stac parifichés - I sescion: 55, II sescion: 25

Sezion todescia

Zitadins EU y stac parifichés - I sescion: 170, II sescion: 80

Per podei studié tl curs de laurea magistrala a nivel unich messeste avei un de chisc recuisic:

- diplom de na scola auta de cinch agn,
- diplom de na scola auta de cater agn integré da n atestat de idoneité dé fora a la fin dl ann integratif,
- diplom de scola auta de cater agn aldó dl art. 8, coma 11 dla lege 19/10/1999, n. 370 (demé per l personal insegnant che ova n contrat indeterminé tla scolina o tla scola elementara l di che la lege é juda n forza, ai 27/10/1999),
- laurea, anfat dla scola auta che an à fat [L. n. 910/1969 art. 1),
- titul de stude da foradecà che é reconesciu adaté.

I diploms de scola che an à fat foradecà vegn reconescius sciche ecuivalenc sce l percurs de scola complessif é sté de almanco 12 agn. An mess avei frecuenté almanco i ultims doi agn dl sistem scolastich foradecà (p.ej. Irish Leaving Certificate: al ne basta nia da avei ma fat un a ann de scola auta tl'Irlanda y spo avei sclut ju con l ejam de stat irlandesc).

Per n valgugn diploms de scola auta foresc (p.ej. l titul dles High Schools americanes, per n valgugn titui inglesc, o dla Grecia) se damana l Minister recuisic d'azes particulars. Per en savei deplù, poste contatté nost Servisc Consulenza per l stude: apply@unibz.it.

Per podei tó pert ai ejams de amiscion, messeste mostré su i recuisic linguistics dés dant tla sezion "Competenzes linguistiches damanedes".

Aldó dles leges atuales, pón se scrive ite a alplù doi cursc de laurea tl medem temp (i doi cursc ne pó nia ester dla medema classa de laurea y mess se desferenzié per almanco 2/3 dles ativités formatives).

I lingaz ofiziai de ensegnament é l todesch, l talian y l ingleseis y tla sezion ladina ence l ladin. Al vegn damané chestes competenzes linguistiches per podei se scrive ite ai ejams de amiscion:

Sezion ladina

Level de entreda (per podei tó pert al ejam de amiscion)

Prum lingaz (talian o todesch): C1

Secont lingaz (talian o todesch): B1

Ladin: B2

o

Prum lingaz (talian o todesch): B2

Secont lingaz (talian o todesch): B2

Ladin: B2

Con l secont semester dl prum ann

Terz lingaz (ingleis): l level B1 é l requisit minim per podei sostegnì ejams per ingleseis

Level de sortida (per podei scluje ju i studi)

Prum lingaz (talian o todesch): C1

Secont lingaz (talian o todesch): C1

Ladin: C1

Ingleis: B2

Sezion todescia y sezion taliana

Level de entreda (per podei tó pert al ejam de amiscion)

Prum lingaz: C1

sezion todescia: todesch

sezion taliana: talian

Secont lingaz: B1 (chi che á l B2 á la priorité)

sezion todescia: talian o ingleseis

sezion taliana: todesch o ingleseis

Terz lingaz: degun level

Con l secont semester dl prum ann

Terz lingaz: l level B1 é l requisit minim per podei sostegnì ejams te chel lingaz

Level de sortida (per podei scluje ju i studi)

Prum lingaz: C1

sezion todescia: todesch

sezion taliana: talian

Secont lingaz: C1

sezion todescia: talian o ingleseis

sezion taliana: todesch o ingleseis

Terz lingaz: B2

Duc i livì é dés dant aldó dl Cheder Europeich de Referiment.

Te messes comprové ties competenzes linguistiches tl portal de preiscrizion (tles sezions

“upload dei certificati di lingua” y/o “iscriviti agli esami di lingua”) do che te as scrit fora l formular de preiscrizion tla sezion “crea/gestisci candidature”. Per l prum y l secont lingaz messel ester na zertificazion, per l terz lingaz végnela consieda (sce ala é almanco de nivel B1).

- Sce i zertificac o diploms é vegnus dés fora da **enc publics taliagn**, él da scrive fora les **autozertificazioms** damanedes tl portal de preiscrizion.
- Sce i zertificac o diploms é vegnus dés fora da **enc da foradecà**, él da i ciarié su diretamente tl portal dles preiscrizions.

Les competenzes linguistiches pó vegnì comprovedes ensci:

1. l **lingaz prinzipal de insegnament de tia scola tl ann dl ejam de maturité** vel sciche C1, sce al é todesch, talian o ingleis. Per les scoles autes ladines: l diplom de maturité vel sciche zertificat de nivel B2 sibe per l todesch che per l talian.
2. l **diplom de laurea o de laurea magistrala** zertificheia l nivel C1, sce l stude é vegnù fat per todesch, talian o ingleis. l assolvenc de unibz mess ciarié su i zertificac linguistics che ai à o declaré de avei passé l ejams de lingaz tl Zenter linguistich de unibz (B2, B2+ o C1).
3. n **zertificat linguistich reconosciù** (ciala la lista di zertificac reconoscius dal Zenter linguistich). Sce ala ne jissa nia da ciarié i zertificac, poste ence i mené tres email o sciche PDF o i dé ju de persona tl Zenter linguistich anter l termin de preiscrizion (ciala sezion “Scadenzes”).
4. **Passé l ejam de lingaz dl Zenter linguistich** de unibz. An pó se scrive ite online a chisc ejams (sezion “iscriviti agli esami di lingua”), do che te as scrit fora l formular de preiscrizion tla sezion “crea/gestisci candidature”. l temps te chi che an pó se scrive ite é dés dant tla sezion aposta “Scadenzes”. Sce te metes man la prozedura de preiscrizion te n di olache al ne é nia meso da se scrive ite ai ejams de lingaz, messaraste jì tl portal ciamó n iade ti dis olache al é meso y te scrive ite. Informazioms sun la strutura di ejams de lingaz, sun la dorada di ejams y sun les modalitè y temps de comunicazion di resultat giàten chiló.

Te pos te scrive ite a ejams de lingaz de chisc livi: B1, B2 y C1, mo demé per un n nivel a lingaz (tla medema sescion de ejam poste per ej. te scrive ite a n B2 de todesch y a n B1 de ingleis, ma nia a n B1 y n B2 de todesch).

Per informazioms sun l stude te trei lingac ciala ence sun chesta plata.

Scoles da foradecà / Scoles bi- o multilinguales

Sce l diplom de maturité dà ence dant avisa i livi che an à arjont te d'autri lingac (todesch, talian o ingleis) che l lingaz de insegnament prinzipal, y che chisc livi é dés dant aldó dl Cheder Europeich de Referiment y é vegnus zertifichés per les cater abilités (lieje, scouté su, scrive y rejoné), spo pó chisc livi vegnì reconoscius ence per zertifiché l secont o terz lingaz.

Te chesc cajo ciaria su ciamó n iade ti diplom de maturité tl post “Upload dei certificati di lingua”, aldó dl lingaz che te vues zertifiché. Sce n diplom de maturité pó vegnì azeté sciche reconesciment ence dl L2 y/o L3, él l Zenter linguistich che valuteia.

Ejams de ladin B2

l ejams de nivel B2 de ladin vegn tegnìs:

Preiscric dla pruma sescion (Early Bird):

- **11 april 2024, 16.00**
- Al é da se scrive ite con l formular aposta, anter y nia plu tert di **4 de april 2024**, da mené a biwi@unibz.it

Preiscric dla seconda seccion:

- **13 jugn 2024, 16.00**
- Al é da se scrive ite con l formular aposta, anter y nia plu tert di **6 de jugn 2024**, da mené a biwi@unibz.it

Program dl ejam:

Tla pert scritta mess i candidat respone per ladin a 6 domandes che se referesc a n test talian o todesch (aldó che ei chir fora). Sce an passa la pert scritta, él ciamó na pert a ousc per ladin, olache al vegn baié de argomenc che taca adum con les ativités profesjonales dl candidat.

Dorada dl ejam scrit: 60 menuc

Dorada dl ejam a ousc: ca. 15 menuc

Terz lingaz/Cursc intensifs de setember

Sce te as n certificat linguistich tl terz lingaz, ciàriel su tl portal de preiscrizion anter i termins prevedus per la preiscrizion. Sce te ne zertifiches nia ties competenzes tl terz lingaz y te vegnes ametù a n curs de stude, messaraste tó pert a n test de relevament de tia competenza linguistica aldó dles modalitès che te vegnirà comunicades. Aldó dl resultat dl test te vegnirà dé indicazions sun l percurs per rové tl temp plu curt y tla maniera plu efizienta al nivel B2.

Sce te ne as ciamó degunes competenzes tl terz lingaz o sce te as n nivel plu bas che B2, podaraste tó pert de setember a n curs de lingaz intensif che dura 3 edemes, per podei ensci scomencé ti percurs de aprediment.

Les dates di cursc intensifs é dedes dant tla sezion aposta "Scadenzes". I livi de basa (A1) vegn pités demé tratant i cursc de lingaz intensifs de setember. Plu tert tratant l ann academich ne végni nia plu pités. Chi che ne à degunes competenzes tla L3 mess perchel mete man si percurs de aprediment de setember.

Al vegn organisé cursc estensifs (4 ores al'edema) tratant l semester y cursc intensifs (8 ores al'edema) ti temps olache al ne é degunes lezions.

I cursc de lingaz dl Zenter linguistich de unibz é debant y à l obietif da te fé arjonje, tl terz lingaz:

- l nivel B1 anter l prum ann de stude
- l nivel B2 anter l secont semester dl secont ann de stude

Te pos fé la preiscrizion demé online tres l portal de preiscrizion. I termins é dés dant tla sezion aposta "Scadenzes".

- Fà n account y ciaria su tia cherta de identité o ti passaport valent (dant/via dedò). Met averda: sce te ciaries su n document che ne vel nia plu, che ne é nia complet o che ala ne vè nia da lieje, vegneste sclut fora da la prozedura;
- Scriv fora l formular online y ciaria su i documenc damanés tla sezion "Prozedura per la

selezione";

- Sce te as sclut ju la scola auta foradecà, ciaria su l diplom de maturité. Sce te ne as nia ciamó dé ju l ejam de maturité, messeste ciarié su l diplom canche te te imatricoleies;
- Completeia l formular y meina demez la domanda de preiscrizion anter l termin dé dant. N iade che te la as meneda demez, ne jaràla nia plu da mudé la domanda. Les preiscrizions scrites fora, ma nia manedes demez sciche al toca, ne vegn nia toutes en conscidrazion.

Met averda: les declarazions nia veires vegnirà sanzionedes a nivel penal y à sciche consequenza l'esclujon da la graduatora de amiscion!

Zitadins UE y parifichés

Te una na sescion de preiscrizion poste te preiscrive a deplù cursc de laurea desvalifs. Sce te vegnes sclut fora tla l sescion poste ciamó n iade te candidé tla ll sescion.

Sciche "parifichés" vegn aratés:

1. I zitadins de chisc Stac: Norvegia, Islanda, Liechtenstein, Svizera, San Marino y Santa Sede (Vatican)
2. I zitadins nia-UE che sojorneia regolarmente tla Talia (per un di motifs dés dant tl art. 39, coma 5 dl decret legislatif 25.07.1998, n. 286: **autorizacion de sojornanza** per laour, per motifs familiars, per asil politich o umanitar, per motifs religiosc). Te chest cajo él da dé ju la domanda diretamente a l'université desche descrit dessoura, enjontan na copia dla autorizacion de sojornanza valenta. Na autorizacion de sojornanza per motifs de stude o n visum per motifs turistics ne basta **nia**. Sce la autorizacion é tomada, él da enjonté enche la domanda de renovament. **Met averda:** sce te ne ciaries nia su tl portal de preiscrizion l'autorizacion de sojornanza, vegniraste automaticamente araté n zitadin nia-UE con residenza foradecà y perchel sotmetù a la prozedura de amiscion aposta tres les Reprejanzes dla Talia te tie Stat de provenienza.

Al ne é nia posc de stude per zitadins nia-EU che à la residenza foradecà.

La prozedura de amiscion é partida ite te does pertes:

1. na pert scritta, y
2. na pert a ousc.

Tla **pert scritta** (che dura endut 150 menuc) él da respone a 60 domandes multiple-choice che reverda:

- la competenzaa linguistica y l pensé logich (30 domandes),
- l savei leterar, storich-sozial y geografich (15 domandes),
- l savei matematich-scientifich (15 domandes).

Do che te as responù a les domandes, te végnel damané da scrive n test argomentatif pian via da na domanda che é formulada te na maniera da podei verificché ties aspirazions profesionale. Tla pert a ousc végnel fat referiment a chest test y l test enstes vegn cialé ju y valuté dal pont de veduda de sia coreteza linguistica y dl nivel linguistich-argomentatif che al desmostra.

La **pert a ousc** à sciche obietif chel de verificaté plu avisa les competenzes personales y soziales (ester bogn da laoré te n grup, da comunicaté, da presenté y da argumenté). Ala dura aplù 30 menuc.

Per podei tó pert al ejam de amiscion messeste ester a post con i recuisic linguistics.

Deplù informazions sun la prozedura de amiscion y sun i ponc suplementars che te giatas per les competenzes linguistics documentedes é contegnudes tla delibera dla Provinzia Autonoma de Bulsan che vegn fora vigni ann y che vegn publicheda sun la plata internet dl curs de laurea. Per i ponc suplementars per les competenzes linguistics documentedes végnel tegnì cont sibe di zertificac che l Zenter Linguistic de unibz reconesc sibe di ejams che l Zenter Linguistic enstes pieta, tant inant che ai à l level damané.

La Facolté met a despozision materiai per se enjigné ca al ejam de amiscion.

L ejam de amiscion vegn fat tl lingaz dla sezion chirida fora. I candidat dla sezion ladina fej na pert dl ejam per talian, na pert per todesch y na pert per ladin.

Graduatores

Per vigni sezion végnel fat na graduatora.

La comiscion valuteia demé la documentazion che é vegnuda ciarieda su sun l portal de preiscrizion anter l termin dé dant.

Les graduatores dles sezions dl curs de laurea (Sezion todescia, taliana y ladina) ne pó nia vegnì integredes con d'autri candidat (per ej. de d'autres sezions). Sce al é manco candidat che à passé l ejam che posc a despozision, ne végnel nia tout su candidat che ne à nia passé l ejam. L curs peia via con l numer de studenc sun graduatora. Al ne vegn nience tout su plu studenc che posc de stude.

Les graduatores vegn publichedes chiló y vel demé per l ann academich per cheles che l ejam é vegnù fat.

Conferma dl post de stude y imatricolazion

Sce te es vegnù tout su tla graduatora de deplù cursc de laurea, poste te confermé l post de stude per aplù doi cursc, ma te messes paié ite la rata dles coutes universitaires doi iadi. N iade che te as confermé ti post (o: ti doi posc) de stude, renunzieieste automaticamenter a duc i autri cursc dla medema classa de laurea a chi che te as fat la preiscrizion, y te perdes ence l dert da vegnì reintegré tles graduatores de chi cursc.

1. Tl portal de preiscrizion él da chirì fora l curs de stude y da fé l paiement (per confermé l post de stude).

I termin é dés dant tla sezion aposta "Scadenzes".

Sce te ne tegnes nia ite l termin de paiement, perdeste ti post de stude, che ti vâ a la persona do da te tla graduatora.

Demé per i zitadins UE y i parifichés: sce al ne vegn nia dé via duc i posc tla pruma sescion, végni enjontés pro chi dla seconda sescion.

Met averda: canche te paies ite la pruma rata, ne este nia ciamó scrit ite deplen. Chel este permó canche te te as imatricolé. Canche te as n iade paié ite la rata per te assiguré n post de

stude, ne aste nia plu l dert da giaté zeruch chisc scioldi, sce te ne fejes nia plu la imatricolazion. La couta te vegn demé paieda zeruch sce te ne passes nia l ejam de maturité o sce te es n zitadin nia-EU con la residenza foradecà y te ne giates nia da pert dla Reprejantanza taliana de ti Stat de residenza i papiers che vâ de bojejn per te scrive ite.

2. Tl portal de preiscrizion él da fé la imatricolazion online.

I terminis é dés dant tla sezion aposta "Scadenzes".

I te consion da te imatricolé pernant che ala vâ, enscì aste plu temp da ciarié su documenc che manciassa anter l termin dé dant.

Sce te ne tegnes nia ite l termin per la imatricolazion, perdeste ti post de stude, che ti vâ a la persona do da te tla graduatora.

Sce te as fat n ejam de maturité en Austria o en Germania, o te as fat l European Baccalaureate, te messes ciarié su tl portal l diplom final.

Sce te as fat n ejam de maturité forest te n Paisc dla Convenzion de Lisboa (stlüt fora Austria y Germania) o n Diploma of the International Baccalaureate te messes ciarié su tl portal chisc documenc:

- diplom de maturité
- traduzion ofiziala dl diplom de maturité per talian (la traduzion na vâ nia debojejn sce l diplom é scrit per todesch o ingleis)
- Statement of **Correspondence** dl diplom de maturité dé fora dal ARDI (Automatic Recognition Database – Italia)

Sce te as fat n ejam de maturité forest te n Paisc che ne fej nia pert dla Convenzion de Lisboa te messes ciarié su tl portal chisc documenc:

- diplom de maturité
- traduzion ofiziala dl diplom de maturité per talian (la traduzion na vâ nia debojejn sce l diplom é scrit per todesch o ingleis)
- Statement of **Comparability** and Verification dl diplom de maturité dé fora dal "Centro di Informazione sulla Mobilità e le Equivalenze Accademiche italiano" (CIMEA)

unibz controlëia to diplom de maturité y se rresservé le dërt de damané d'atri documënc en caje de dübe.

Met averda: Sce te ne as nia i titui damanés per l'iscrizion, podaraste vegnì sclut fora con n decret dl Retour ence do che te as bele fat la imatricolazion.

Sce te es n zitadin nia-EU con la residenza foradecà:

Sce te es resulté adaté da tó pert a la prozedura de selezion y sce te as ence fat la preiscrizion sun l portal University, sarà la Reprejantanza taliana de ti Stat de provenienza che te relascia l visum de entreda per motifs de stude/universitars: enscì podaraste vegnì tla Talia y tó pert al ejam de conescenza dl lingaz talian (per i cursc de laurea de trei agn) y te imatricolé tl cursc de stude per chel che te as fat la preiscrizion, n iade che te as passé l ejam de amiscion.

L ejam per l lingaz talian, prevedù per duc i scric ite ai cursc de laurea de trei agn, vegnirà fat ai prums de setember tl campus de Bulsan. La per a ousc dl ejam pó ence vegnì fata online.

aldó dla lege, messeste damané anter 8 dis che te es rové tla Talia l'autorisazion de sojornanza. Pernant che te es tla Talia, messeste contaté l Servisc Consulenza per l stude che te darà les informazions che và debojegn per fé pié via la prozedura.

N iade che te as giaté l'autorisazion de sojornanza, messeste la dé ju tl original o la mené tres email al Secretariat studenc.

Sce te vues te trasferì da n'otra université taliana a unibz, messeste dé ju tl Secretariat studenc, al scomenciament dl ann academich, na copia dla domanda de trasferiment che te as dé ju te tia université de provenienza.

Coutes de iscrizion

Les coutes de iscrizion munta su a **1373 €**.

- **Pruma rata** (773 €): tol ite la couta provinciala per l dert al stude de 173 € y la marca da bol de 16 €.
- **Seconda rata** (600 €): méssen paié anter i 31 de merz de l'ann do.

Sce an paia ite massa tert la seconda rata, él da paié n straf. Sce te ne es nia a post con l paiament dles coutes universitaires, ne poste nia dé ju ejams, ma nience baraté te n'otra université o baraté curs de stude.

Sce te lasces da studié o sce te végnés sclut fora dal stude (a gauja de na infrazion, p.ej. sbordené pro n ejam), spo ne te végnel nia paié zeruch les coutes.

Chestes categories de persones ne à nia bria da paié les coutes universitaires (y nience la couta provinciala per l dert al stude):

- Les persones con na dejabilité reconosciuda aldó dl art. 3, coma 1, dla lege n. 104/1992, o con na invalidité dl 66% o deplù (al scomenciament dl ann academich él da dé ju n zertificat aposta dé fora da la autorité sanitaria).
- Les persones da foradecà che giata n stipendium dl govern talian.

Les persones che giata n stipendium dla Provincia Autonoma de Bulsan à l dert da giaté zeruch per chel ann academich les coutes universitaires.

Reconesciment de credic formatifs

l credic formatifs de d'autri studi universitars pó vegnì reconescius, n iade che an é scric ite a unibz, sce ai ti corespogn tl contegnù a ejams che ence unibz pieta. La domanda de reconesciment pó vegnì deda ju, n iade che an é scric ite a unibz, tl Secretariat de Facolté.

La Facolté organiseia encontedes aposta per cialé ju y valuté te na maniera preliminar a sce ala và da reconesce ejams fac te d'autres universités. Per en savei deplù: talian o todesch.

L Servisc Consulenza per l stude te deida da chirì fora te na maniera conscienta l percurs de stude. Sovenz bàstel na telefoneda o na e-mail por sclari n dube. Telefonesse: +39 0471 012100.

Subject to change.
Latest update: 20.03.2024

Advisory Service

Universitätsplatz 1 - piazza Università, 1
Talia - 39100, Bulsan
Tel +39 0471 012100
Fax +39 0471 012109
apply@unibz.it

Opening Hours

Mertescs: 10:00-12:00
Juebias: 14:00-16:00

Sce te vues, poste tres se telefoné tratant l'edema o damané do n apuntament online